

Ana Trišić - Babić o MAP-u



Trišić - Babić: Tim radi svoj dio posla

Godišnji nacionalni plan do kraja juna

Predsjednica NATO koordinacionog tima kaže da će puno toga oko uslova postavljenog u Tallinnu biti jasnije narednog mjeseca u Bruxellesu

Bosna i Hercegovina će do kraja juna, u saradnji sa Štabom NATO-a u Sarajevu, završiti izradu svog prvog Godišnjeg nacionalnog plana u okviru Akcionog plana za članstvo u NATO-u (MAP).

NATO koordinacioni tim pri Vijeću ministara BiH, kojim predsjedava zamjenica ministra inostranih poslova Ana Trišić - Babić, jučer je održao vanrednu sjednicu na kojoj utvrdjen taj datum. Nedavno je Vijeće ministara zadužilo NATO koordinacioni tim da pristupi izradi Godišnjeg nacionalnog plana i na taj posao se odmah prešlo.

Pomoć u prevođenju

Ana Trišić - Babić pojasnila je da će plan uraditi tim na čijem je čelu, a da će NATO samo pomoći u njegovom prevođenju. Plan bi trebao da bude prezentovan u septembru. No, do tada je ostalo da se ispuni uslov o knjiženju 69 lokacija sa perspektivnom nepokretnom vojnom imovinom na Ministarstvo odbrane BiH, postavljen na neformalnom minis-

tarskom sastanku na kojem je u aprilu naša zemlja primljena u MAP.

Odluka iz Tallinna u početku je zvučala optimistično i obećavajuće za Bosnu i Hercegovinu. Međutim, što je vrijeme više prolazilo, svima je bilo nejasno da li je BiH dobila MAP ili nije. Način na koji smo mi dobili MAP, dakle uslovno, nikada nije bio slučaj, pa čak ni u sjedištu NATO-a u Bruxellesu nisu imali iskustva s takvom situacijom. S obzirom na to da smo završili jedan ciklus IPAP-a (Individualni partnerski akcioni plan) za 2008/2009. i da od NATO-a u Bruxellesu nismo dobili odgovor na naš prijedlog IPAP-a za 2010/2011, smatrali smo da smo, ipak, ušli u proces MAP-a. Zato smo predložili Savjetu ministara da donese odluku da zaduži NATO koordinacioni tim da izradi Godišnji nacionalni program, izjavila je za Oslobođenje Ana Trišić - Babić.

Da li će BiH u septembru početi realizaciju plana, još je nepoznanica. Mnogo jasnija situacija biće polovinom narednog mjeseca. Naredna sjednica Sjevernoatlantskog vijeća (NAC) i Bosne i Hercegovine biće održana 14. jula u Bruxellesu. Tada bi trebalo da bude razmatran prvi ciklus IPAP-a proveden u našoj zemlji. Riječ je o programu vrlo sličnom MAP-u, iako u manjem obimu zahtjevnom. Ovoj sjednici bi trebalo da prisustvuje generalni sekretar NATO-a Anders Fogh Rasmussen i predstavnici BiH.

Niz reformi

Godišnji ciklusi iz Akcionog plana za članstvo u pravilu počinju u septembru i ako do tada ne bude razriješena naša pozicija u MAP-u, izgubićemo dragocjeno vrijeme. MAP obrađuje široki spektar pitanja, poput političkih, ekonomskih, odbrambenih, zatim pitanja resursa, pravna i sigurnosna. U svakoj od oblasti u godišnjim nacionalnim programima prepoznaju se manjkavosti i potom se ide u njihovo otklanjanje.

DI. OMERAGIĆ

Besmisleni referendum

Ana Trišić - Babić je reagovala i na inicijativu koju je Narodnoj skupštini RS-a podnio SDS, koji traži da im se 3. oktobra, na dan općih izbora u BiH, omogući organizovanje referenduma na kojem bi se građani Republike Srpske izjašnjavali o pristupanju Bosne i Hercegovine NATO-u.

- Mi smo od datuma eventualnog pristupanja NATO-u jako daleko. Zasiurno u narednih devet godina nećemo biti u toj mogućnosti, a i sada je situacija vrlo nedefinisana, tako da je ma kakvo organizovanje referenduma o tome da li pristupiti NATO-u potpuno besmisleno, kazala je ona.

Tribunal u Haagu izrekao kazne za

Beari i Po doživotni

Vijeće Tribunala u Haagu Vujadinu Popoviću i Ljubiši Beari izreklo je kazne Drago Nikolić osuđen je na 35 godina za pomaganje u genocidu, dok su Gveri i Vinku Pandureviću zatvorske kazne izrečene zbog zločina protiv

- Ako je bilo kome trebala potvrda da su vojska i policija Republike Srpske zločinačke organizacije, onda je to presuda Ljubiši Beari i ostalima, rekao je jučer za Oslobođenje Emir Suljagić, nakon što je iz Haaga stigla vijest o prvostepenoj presudi izrečenoj na najdužem procesu pred Tribunalom, započetom još u julu 2006.

Vijeće Tribunala je jučer prvostepenom presudom proglasilo Vujadina Popovića i Ljubišu Bearu krivim za genocid u Srebrenici

ci i osudilo ih na doživotne kazne zatvora. Drago Nikolić kažnjen je sa 35 godina zatvora zbog pomaganja i podržavanja genocida.

Policijski i vojni vrh

Ljubomir Borovčanin je osuđen na 17, Radivoje Miletić na 19, Milan Gvero na pet, a Vinko Pandurević na 13 godina zatvora zbog zločina protiv čovječnosti počinjenih u julu 1995. u Srebrenici. Haško tužilaštvo je, podsjeća Birn - Justice Report, u završnoj riječi iznesenoj u sep-

tembru prošle godine, tražilo da svi optuženi budu osuđeni na doživotni zatvor.

- Riječ je o najvišim i najodgovornijim članovima Glavnog štaba, odnosno policijskih snaga RS-a, kaže Emir Suljagić, koji je svoja sjećanja iz jula 1995. u Srebrenici, zaštićenoj zoni UN-a pretočio u knjigu „Razglednice iz groba“.

- Oni su, i to treba imati na umu, u zločinačkom poduhvatu koji je za rezultat imao genocid bili okupljeni oko Ratka Mladića koji se, kao što je manje ili više poznato, još krije u Srbiji. Iduće sedmice Evropska unija će odlučiti da li da odustane od hapšenja Mladića, kao preduslova za ratifikaciju Sporazuma o stabilizaciji i pridruživanju sa Srbijom - kaže Suljagić i naglašava: - Poslije ove presude odluka da se Srbiji omogući napredak u evropskim integracijama predstavljala bi uskraćivanje žrtvama posljednje nade u pravdu.

Ljubiša Beara je nekadašnji načelnik za bezbjednost Glavnog štaba VRS-a dok je Popović bio pomoćnik komandanta za bezbjednost Drinskog korpusa. Nikolić je bio načelnik za bezbjednost Zvorničke brigade, Bo-

Dosipanje soli na ranu

- Nas iz srebreničkih porodica ne može zadovoljiti nijedna presuda sve dok je glavni haški optuženik na slobodi. Današnja presuda je još jedna politička odluka, još jedan od pokazatelja da Srbija treba da dobije zeleno svjetlo za ulazak u Evropsku uniju. A najgorog zločinca sad više niko ni ne spominje.

Što se tiče kazni, one su za nas majke tako ponižavajuće, još jedno dosipanje soli na ranu. Jednom od ove sedmoroce danas je izrečena presuda od pet godina zatvora, a drugima malo više. Zar to nije bruka! Koliko ih još ima na slobodi, a klali su i ubijali. To znamo samo mi majke i dragi Bog. Zlikovci su nagrađeni slobodom, a mi se tolike godine borimo i tražimo našu djecu po masovnim grobnicama. Ne ka sram bude čitava svijeta! Haškom tribunalu poručujem da mi nismo rađali djecu bez glava, nismo rađali djecu bez nogu, a ukopaćemo ih i bez glava i bez nogu, kazala je Hatidža Mehmedović iz Udruženja Majke Srebrenice.

Vlada Federacije BiH

Rješenje za Krivaju ipak postoji

Vlada FBiH donijela je jučer odluku o davanju prethodne saglasnosti i ovlaštenja federalnom premijeru Mustafi Mujezinoviću i federalnom ministru energije, rudarstva i industrije Vahidu Heći za potpisivanje sporazuma o načinu izmirenja dugovanja IP-a Krivaja d.o.o. Zavidovići. Prema sporazumu, potraživanja po pravosnažnim i izvršnim presudama i rješenjima o izvršenju iznose 3.122.484,94 KM, a sastoje se od razlike neisplaćenih plaća, dijela kamata od 30 posto, troškova parničnog izvršnog postupka za 172 radnika. Ova sredstva deponovaće se na račun Općinskog suda u Zavidovićima, sa pozicije tekuća rezerva Vlade FBiH iz budžeta FBiH za 2010. na dan potpisivanja sporazuma.

Ako se u roku od 60 dana od dana njihovog deponovanja izvrši registracija privrednog društva Krivaja 1884 d.o.o. Zavidovići, sredstva će se po pravosnažnosti rješenja o registraciji isplatiti na račune povjerilaca, dok bi u suprotnom bila vraćena na račun budžeta FBiH. Prema sporazumu se obavezuju povjerioci da, odmah po deponovanju novčanih



sredstava, Općinskom sudu u Zenici dostave podnesak o povlačenju prijedloga za otvaranje stečajnog postupka ili prijedlog za obustavu stečajnog postupka i da više ni na koji način ne osporavaju postupak registracije i upisa vlasništva društva Krivaja 1884 d.o.o. Zavidovići.

Vlada FBiH je na jučerašnjem zasjedanju razmatrala i nacrt zakona o koncesijama koji planira po hitnom postupku prosljediti Parlamentu FBiH, vodeći se ranijom odlukom da umjesto izmjena i dopuna ranijeg zakona predloži novi. Razmatrana je i informacija o stranim investicijama u Federaciju BiH u prošloj godini: od ukupno investiranih 439,9 miliona KM 427,2 miliona su stigla iz evropskih zemalja. Prednjačila je Turska sa 185 miliona KM, a slijedi je Austrija sa 65,3 miliona KM. Od 8,8 miliona pristiglih iz van-evropskih zemalja, 7,7 miliona KM investirala je Saudijska Arabija.